



Aalisarnermut, Piniarnermut Nunalerinermullu Naalakkersuisoqarfik

20. november 2015

Saattuut pillugit 2015-imut 2016-imullu tunngatillugu ilisimatitsineq

Aalisarnermut Naalakkersuisoqarfiup isumaqatigiissuteqarfigineqarnera naapertorlugu saattuut pillugit biologit siunnersuinerat ukiunut marlukkaartumik suliarineqartarpoq, siunnersuinerlu manna paasisutisat nutaat 2015-imi katersorneqartut tunngavigalugit suliarineqarpoq. Saattuaqassuseq ukiut tamaasa misissuineritigut naliliiffigineqartarpoq, paasisutissallu katersaatigilikkat nutaat malunnaatilimmik allanngortoqalerneranik tikkussippata saattuarniarfiusartunut sumiiffinnut pineqartunut siunnersuinerit nutarterneqartarput. 2016-imut siunnersuineq 2015-imi siunnersuinermit sanilliullugu allannguuteqanngilaq, imaappullu:

Qeqertarsuup Tunua: aalisarnermit nalunaarsuutinit biologillu misissuinerinit paasisutissaatit takutippaat peqassuseq appariartortoq, taamatullu saattuaaqqanik nutaanik aalisarneqarsinnaalerumaartussanik takkussuuttoqarnera aamma appassisumiittoq. Pinngortitaleriffik siunnersuivoq 2016-imi saattuartaassutiginerarsinnaasut 400 tonsit sinnertariaqanngikkaluaaraat.

Sisimiut eqqaanni sinerissap qanittuani: siunnersuineq allannguuteqarani 300 tonsiuginnarpoq. Aalisarnermit nalunaarsuutinit biologillu misissuinerinit paasisutissaatit takutippaat peqassuseq 2009-miit 2014-ip tungaanut appariartuinnavissimasoq. Taamaattoqarneralu 2015-imi unissimasutut isikkoqarpoq, tassami peqassutsip siuariartulersimanera takussutisartaqalersimammat. Pisaasartut 300 tonsit missaanniitiinnaraanni peqassutsip siuariartaaginnavinnissaa naatsorsuutigineqarsinnaassaaq, taamaalilluni tamaani saattuut aalaakkaasumik siunissamissaaq iluaqutigineqarsinnaassallutik.

Sisimiut eqqaanni avataani: tamaani saattuaqassuseq 2014 tikillugu appassisumiippoq. 2015-imilu peqassuseq oqimaassusinngorlugu siuariaateqarsimavoq, taamaakkaluartorli peqassutsip malunnaatilimmik siuariaateqarnissaata tungaanut sumiiffiup matoqqatiinnarneqarnissaa innersuussutigineqarpoq. Naak sumiiffimmi saattuaqarnerulersimagaluartoq, saattuaaqqanik nutaanik aalisarneqarsinnaalerumaartussanik takkussuuttoqarnera 2013-imiit aatsaat taama appasitsigisumiippoq.

Nuuk-Paamiut: Sinerissap qanittuanut 200 tonsit pisassiussutigineqarsinnaanerit innersuussutigineqarpoq avataanullu innersuussutigineqarlutik 1.000 tonsit.

Saattuaqassutsip pilersorneqarnera qularnaarniarlugu Pinngortitaleriffiup ilanngullugu innersuussutigaa maajimiit juuli ilanngullugu saattuarniarnerup ingerlanneqartarnissaa, taamaliornikkut saattuarniarneq piujuartitsiniarnermik toqqammaveqarnerussammat saattuummi "qituttunik qaleruallit" eqqaanarneqaratik atorluarneqarnerussagaluaarmata.



2015-imut 2016-imillu pisassiissutigineqarsinnaasutut innersuussutigineqartut.

Tabel 1. Aqutsiveqarfinni ataasiakkaani pisassiissutigineqarsinnaasutut (tonsinngorlugit) innersuussutigineqartut ('-' = siunnersuisoqanngilaq)

	Siunnersuineq 2015/16		Siunnersuineq 2014		Pisassiis- suttit 2015	Pisat 2014	
	Sinerissap qanittuani	Avataani	Sinerissap qanittuani	Avataani	Sin. qanitt. avataanilu	Sinerissap qanittuani	Avataani
Upernavik	-	-	-	-	200	16	0
Qeqertarsuup Tunua	400	-	600	-	600	433	23
Sisimiut	300	Matoq- qavoq	300	Matoq- qavoq	500	367	119
Maniitsoq	-	-	-	-	100	41	15
Nuuk-Paamiut	200	1.000	200	1.000	950	279	833
Narsaq – Nunap Isua	-	-	-	-	200	31	0
Siunnersuineq /pisat tamak- kiisut	900	1.000	1.100	1.000	2.230	1.167	990

* Aqutsiveqarfiup Sisimiut avataanni saattuarniarsinnaaneq 2011-2012 aamma 2015 matoqqatinneqarpoq

Inussiarnersumik inqulluaqqusillunga

Helle Siegstad

Helle Siegstad

Immikkoortortaqarfimmi pisortaq